


46° 47' 33" N, 10° 14' 21" O



5
3
1
0
1


1
0
1

1
0
1
0
1



HIF.CH

1. ediziun



HIF.CH

HOCHALPINES INSTITUT FTAN

SWISS INTERNATIONAL SCHOOL AND SPORTS ACADEMY

Chau insembel!

Nus eschan la classa 3G e 4G per rumantsch dal Institut otalpin Ftan e tü legiast güsta la prüma ediziun da nos proget in fuorma d'üna gazetta. A tai spettan interessants fats davart la regiun, ün comic aventürus, fotografias admirablas ed ün o tschel plaschair. Cun quai cha la prümavaira sta avant porta ans vaina decis da dedichar la gazetta a quista stagiun.

E cun quists plets as giavüschaina ün bun divertimaint!



Minch'on d'archeu

Minch'on d'archeu

Il Chalandamarz, per bliers üna tradiziun importanta e valuriosa, per oters ün'attracziun turistica. Per las scoulas esa ün'ocasiun per as preschentar in vers il cumün. Ma co vain resenti il Chalandamarz pro'ls scolars e pro las scolaras?

Per quai vaina dumandà a divers giuvenils da differnt'età chi piglian part al Chalandamarz. Implü vaina resguardà las differentas fracziuns e lur möd da celebrar la tradiziun, perquai ans vaina infuormà pro scolars e scolaras da differentas fracziuns dal cumün da Scuol.

Che chi dà svelt in ögl, es cha bliers passaintan Chalandamarz daspö bliers ons. I dà plütöst pacs chi han dit chi nun hajan cumanzà illa prüma classa cun Chalandamarz. Per bliers es la tradiziun qualchosa bel per ramassar algordanzas e celebrar la cultura materna. Ma eir per personas chi nu sun uriund da l'Engiadina esa ün grond plaschair, impustüt sco ocasiun per as colliar e s'integrar.

In resguard a la popularità da Chalandamarz as poja argumentar cha mincha fracziun ha lur agens highlights chi fan gnir il di incumparabel. Peplü han lö davomezdi bals o balins cun uffants da differnt'età. A bliers plaschan las festas davo il cortegi, chi cuntegnan üna bella cumpagnia sco eir gös e concorrenzas.

Implü para eir cha la motivaziun e l'ingaschamaint pel Chalandamarz as disferenzcheschan pro las differentas fracziuns. Impustüt in fracziuns pitschnas sco Guarda e Ftan as resainta üna gronda persuasiun in vers tradiziuns in general. Quai pudess avair dachefar culla vita cumünaiula chi'd es plü preschainta i'ls cumüns pitschens. In contrast es il Chalandamarz a Scuol ün'occurrenza chi nu persuade plü a tuots. La tradiziun es listess fich populara, ma para da nu gnir celebrada cun tant elan sco in otras fracziuns. Üna radschun per quai es sgür la gronda populaziun da Scuol e cun quai eir il numer dad uffants e giuvenils chi piglian part. →



Pro tsherts temas d'eiran però bod tuot ils giuvenils daperüna. Bod tuots sun fich superbis dal Chalandamarz ch'els festagieschan e mantegnan. In surplü d'eiran eir fich blers da la listess'opinun in regard als turists. Blers pensan cha'l turissem es bun e necessari pel surviver dal Chalandamarz, al istess mumaint sun massa blers turists ün problem pel andamaint dal cortegi. Impustüt i'ls cumüns cun vias strettas sco Guarda poja dar cha las massas da turists bloccan il cortegi. Sco ultim vegn ün tema chi sta a blers a cour: la pussibilità cha'l Chalandamarz moura oura. Illas fracziuns pitschnas es üna diminuziun dad uffants fingià il cas, che chi ha eir effet sül Chalandamarz. Pels giuvenils esa però cler chi lessan mantgnair la tradiziun e tilla preservar dal murir oura.

Per conclüder es il Chalandamarz alch chi sfenda ed unischa i'l listess mumaint la regiun. Per uffants e giuvenils vain spüert bler, intant cha'l futur dal Chalandamarz as rechatta i'ls mans da las generaziuns giuunas.



Intervista cun

Saskia Barbüda

Il “European Youth Olympic Festival” (EYOF) es ün festival olimpic per giuvenils da l’Europa. Quist eveniment multisportiv ha lö mincha duos ons ed es organisà dals comites olimpics da l’Europa. L’EYOF es la plü gronda occurrenza polisportiva per talents giuvens in Europa e dà als atlets e las atletas üna prüma experienza olimpica.

Uossa segua ün’intervista cun Saskia Barbüda chi ha pudü ir a l’EYOF a Georgia. Saskia es üna scolara da la 4G chi va a scoula l’Institut Otalpin Ftan, ella represchainta la scoula l’I sport da passlung.

Co est gnüda a savair cha poust ir a l’EYOF? Co hast reagi?

“Ils resultats d’eiran vairamaing buns, no d’eiran in 6 chi vessan pudü ir. La saira n’haja spettà ad ün e-mail, ma n’ha lura dumandà a las otras chi han lura dit cha quai gnia pür daman. Davo a saira lura n’haja tschüf ün telefon da Swiss-Ski e là hana dit ch’eu possa ir sco quarta Svizra. Eu n’ha lura eir involüdà tuot meis tudais-ch e sun gnüda agitada.”

Che impreschiun hast da l’EYOF?

“Tuot d’eira cool, sco prüm eschan rivats a’l hotel, l’areal d’eira impli cun securitas e tuot d’eira serrà gio, bler da la Georgia nu vaina vis, cun quai cha nus d’eiran adüna i’l cumünin. No vain eir imprais a cugnuscher glied dad oter pajais, inschna d’eirna tuotta pezza i’l hotel. Per rivar sü la loipa staiuna gnir manats cun ün shuttle.”

Co d'eira la prüma cuorsa? (5KM Classic)

“ Mia prüma cuorsa d'eira fich buna, eu crai dafatta cha quai d'eira mia megladra, eu nu vaiva ingün squitsch e nu d'eira propcha agiatada. Schabain chi d'eira tuot nouv ed ün toc plü grond, ma inschna d'eira sco üna normala cuorsa. Id es gnü oura fich bain ed eu n'ha dat tuot meis pussibel. “

Quant cuntainta est cun tias prestaziuns?

“ Eu sun fich cuntainta, schabain ch'eu vaiva amo ün pa mal ün pè. Mias aspettativas nu d'eiran uschè grondas ed i sun gnüdas oura però bler meglider co quai ch'eu vaiva pensà “

Daja üna lustiga istorgia?

“ I d'eira uschea cha las parais l'l hotel nu d'eiran uschè grossas e dasper no d'eiran ils Frances. Cun quels vaina lura eir giovà ün gö l'l piertan, davo vaiva lura gudagnà ün Frances ün gö e vaiva lura usche ün gust ch'el es cuorrü per quai intuorn e fat üna foura illa parait. Üna jada vaina eir fat üna pool-party aint in üna stanza e tuot la stanza d'eira plain aua e tuots d'eiran bletschs. “

Co vaja inavant uossa illa stagiun per tai?

“ Uossa n'haja üna qualificaziun per ir illa Slovenia, quella nu possa però far cun quai ch'eu sun amalada, uossa stossa verer sch'eu poss però listess ir a Slovenia, cun quai cha'ls resultas guardan oura bain “



Chasas engiadinaisas

Las chasas engiadinaisas, ün elemaint central e fascinant da l'architectura da l'Engiadina Bassa. Quistas chasas vivaintas piglian part a l'istorgia e cultura da la regiun. L'architectura da quistas chasas es caracterisada tras lur mürs gross. Il scopo d'avair tals mürs d'eira da proteger la glied dal fraid. Eir las fanestrinas da cuccar ed ils balconcs torts sun gnüds fabbrichats cun scopo. Las fanestrinas da cuccar mantgnaivan la chalur ed ils balconcs torts servivan la vista sülla via. Il plü remarchabel da las chasas engiadinaisas sun ils sgrafits chi decoreschan lur fatschadas. Quists sgrafits sun gnüts creats cun üna tecnica speciala, illa quala il disegñ vain sgrafיא illa segunda rasada da malta. Ils sgrafits sun variats cun fascinants disegns geometrics, fluors o figürativs chi quintan l'istorgia da famiglia, dal cumün o da la regiun. A Scuol as chatta bleras chasas engiadinaisas bain mantgnüdas, impustüt illa part veglia, nomnada Scuol Sot. Las chasas engiadinaisas nu sun be bellas ed admirablas, ma eir ün'expressiun da la cultura e da las tradiziuns localas. Mincha chasa ha si'aigna istorgia e seis agen character.

Mincha chasa ha si'aigna istorgia e seis agen character. Hozindi vegnan las chasas engiadinaisas mantgnüdas cun gronda valur per preservar lur character unic e lur importanza per la cultura. Implü sun las chasas engiadinaisas eir ün'attracziun importanta pel turissem. Blers giasts admiran quista architectura unica e lessan imprendner daplü sur da las chasas e la cultura engiadinaisa. Quai contribuischa eir a l'economia locala e güda a sensibilisar la glied per l'importanza da mantgnair quista part culturala.

In conclusiun sun las chasas engiadinaisas da Scuol ün simbol vivaint da la cultura. Ellas sun ün attribut da l'istorgia ma eir ün exaimpel co cha la tradiziun po gnir integrada illa vita moderna. Quistas chasas nu sun be edificis, ma eir ün'expressiun da l'orma e dal spiert da Scuol e da l'intera regiun.



Il s m vojs da Ftan

Tanter Ardez e Ftan as rechatta una punt: la punt da Tasna.



ün bel di va l'aua sura ...

... ed indina jada daja ün sfracch e l'aua tira cun sai ün boller e cun quai rumpa la punt




Il s abitants sun rivats pro la punt ed han vis il discapit ...



... Cun quai vana il gol per ramassar laiva per üna nouva punt.



Cun ün charottel
tiran ils abitants
inava la lainaour
dal god.



ün dad els
metta il
trunch sur
l'avalin




NAA !!!
Il trunch es
massa cuort!



frutta...



Idea: star ourdigioles il trunch
cun mois per perlungar





Stincals



Üna gazetta be cun texts füss lungurusa, perquai chattast quia üna collecziun da stincals e duos Kahoots cha tü rivast da drivir tras ils duos links. Las soluziuns da l'ingiavinerà apparan illa prossma ediziun!

<https://create.kahoot.it/details/3fce1168-935f-4b14-a608-ee8eb205ee8f>

<https://create.kahoot.it/details/a663349d-a595-413b-9746-a9ae193b47cb>

*Perche nu fan mürs ingün sport? -
Perche ch'ellas han temma dal
barbagiat.*

*Che sta sülla fossa dad ün
matematiker? - Cun quai nun ha'l fat
quint.*

*Fritzli declera il internet a sia nona.
El disch: «Riva üna fanestra.» La
nona sta sü e riva la fanestra.*

*Ün hom dumonda ad ün oter: «Co ha
nom teis chan?» «Eu nu sa, el nu'm
uoul dir seis nom.»*

*Cugnuoschast il stincal da las
duos mürs aint il ascensur? - Eu
neir na, eu sun chaminà sü da s-
chala.*


*Bap disch a Fabio: «Da ad impizzar il
böschin!» Fabio cuorra in stüva e
cloma davo duos minuts: «Bap,
dessa impizzar eir las chandailas?»*

*Che es grond, grisch e telefona? -
Ün telefant*

*Pilot al tower: «Ingiavinaì chic hi
vegn uossa!» Il controller da svoul
stüda las glüms da la pista e
respuonda: «Ed uossa ingiavina tü
ingio cha nus eschan!»*

*Fritzli disch a Rafael: «Wow, eu n'ha miss
insembel la cumbinella in 6 mais!» Rafael
respuonda: «Uess quai dad esser suelt?»
Fritzli: «Schi! Sülla trocla d'eira scrit 4-99
ons!»*

Ingiavinerà



Orizzontal

- 1.s-chella gronda
3. va cul muvel süll'alp
6. festa in avrigl
8. traget chi's fa ils 1. marz
10. nom da la festa 50 dis davo Pasqua

Vertical

2. festa dals 1. marz
4. la prüma fluor chi crescha da prümauaira
5. bes-cha pitschna chi sdruaglia da prümauaira
7. territori da skis sur Scuol
9. dirigent als 1. marz